

# Spressione è comunicazione

## Prisentazione di u racontu

**Nivellu** : Ciculu 1 , 2 è 3

**Ogettivi** :

- Entre in litteratura
- Stà à senta è capi un racontu
- Sprimesi nantu à un racontu

**Materiale** :

\*U racontu dettu (si sceglie a versione più adatta di u racontu)

\*Una seria di 14 fiure A3 in culore (illustrazione di Musiconte Le Petit Chaperon Rouge, Ed Nathan »)

**Sbucinera** :

### 1a Seanza

I zitelli so adduniti cù a maestra, à u calmu, in un attitutine favurevule per stà à sente. A maestra dice u racontu, sanu sanu, fendu vede e fiure chì currispondenu à i sfarenti mumentu.

S'elle ci sò reazzione spontanee, a maestra e piglia in contu, ma spessu i zitelli volenu sente torna u racontu, è tandu, a maestra u dice una seconda volta.

Per via di dumande, aiuta i zitelli à dì ciò ch'elli anu capitu.

-« *Di chì parla stu libru ?* » → *Stu libru parla di Cappuccinella Rossa.*

-« *Induve si passa ?* » → *Si passa ind'è a furesta.*

- « *Quandu ?* » → *Tempi Fà / In tempi d'una volta*

-« *Qualessi sò i persunagi ?* » *Sò Cappuccinella Rossa, a so mamma, a so mammane, u lupu è u cacciadore*

### 2a Seanza

A un antru mumentu, forse u lindumane, si rimettenu i zitelli in cuntattu cù u racontu per via di e fiure. A ogni fiura prisentata, s'aiutanu i zitelli cù dumande per purtalli à cuntà a storia a modu soiu.

Eserciziu individuale : da vede fiscia di u scularu n°1.

L'eserciziu prupostu sera currettu di modu cullettivu, mettendu e fiure in ordine a u tavulone.

### 3a Seanza

Si ripiglia u travagliu di a secoda seanza è per ogni fiura si custruisce una frasa-chjave chì hè ripetuta di modu cullettivu è ancu individuale. Ste frase seranu memorizate è ghjuveranu di puntellu per una mansa d'attività. A maestra copia ste frase nant'à fogli chì sò incullate sott'à e fiure. (si pò fà a scelta di fa scrive e frase da i zitelli.)

**Rimarca** : a seconda è a terza seanza ponu esse rimpiazzate da un numaru più impurtante di seanze.